



中州辛集第八

邢內翰具瞻一首

王太常繪一首

王禮部競一首

杜佺一首

邊轉運元勳二首

李寧州之翰四首

三興居士一首

楊興宗一首

趙亮功一首

賈涑一首

元日能一首

范墀一首

王雄州仲通一首

韓內翰汝嘉一首

王吏部啓一首

晁洗馬會一首

王內翰遵古二首

王汾州璫二首

李特進獻可二首

雷溪先生魏道明二首

學易先生雷思一首

王大尹脩一首

高工部有鄰一首

宋孟州楫二首

高轉運德裔一首

路冀州仲顯一首

張代州大節一首

趙轉運愨三首

郭祕監長倩一首

郭錄事用中一首

趙太常之傑三首

趙轉運鼎一首

田轉運特秀一首

趙漕副文昌一首

路轉運忱一首

高密州公振一首

張轉運毅一首

宗御史端修一首

張戶部翰五首

李好復二首

楊祕監邦基一首

呂陳州子羽四首

趙鹽部文昌一首

韓內翰玉二首

王都運擴一首

趙吏部伯成三首

梁錄事仲新一首

盧待制元一首

太常卿石抹奭勳一首

苑滑州中一首

趙禮部思文六首

李坊州芳一首

劉鄂縣昂三首

錦峰王仲元三首

盧宜陽洵一首

刁涇州白三首

劉戶部光謙一首

毛提舉端卿一首

康司農錫一首

張戶部德直一首

馮辰一首

王世昌二首

李宜陽過庭一首

田錫二首

張介一首

龐漢一首

宋景蕭二首

李警院天翼三首

張叅議澄四首

劉神童微一首

郭宣道一首

張仲宣二首

胡汲一首

王修齡一首

別起

邢內翰具瞻

具瞻字崑夫遼西人天會二年進士與吳蔡為文章友

仕至翰林待制

出塞

樓外青山半夕陽寒鴉翻墨點林霜平沙細草三千里

一笛西風人斷腸

王太常繪

繪字質夫濟南人天會二年進士武陟道中詩云梧葉重勝迎日露蕎秧薄要護霜雲人頗稱之仕至太常卿有注太白詩行於世

江天秋晚圖

萬頃波閒踏浪兒蕭湘秋晚趁歸時四山紅葉風聲健散入儂家款乃詞

王禮部競

競字無競安陽人宋末登科仕國朝至禮部尚書兼翰林學士承旨年六十四大定四年卒無競善作大字字或廣長丈餘而結密如小楷京都宮殿題榜皆其筆趙

禮部以爲古今第一手唯党篆差可配耳一孫名道通字彥深今爲黃冠師

後 奉使江左讀同官蕭顯之西湖竹記因題其

雲煙濃淡費臨摹行記看未即畫圖雲夢不妨吞八九
筆頭滴水了西湖

杜佺

佺字真卿武功人宋末有詩名於閩中兒時嘗作藥名詩有杜仲吾家好弟兄自然同姓又同名之句及以五言百韻上乾州通判馬涓涓大加賞異阜昌中登科蒞官亦有聲焉鬼太真墓過客多題其詩甚多道陵詔錄

其詩得五百餘首付詞臣弟之真卿詩在高等舊有錦溪集亂後不復見矣子師揚亦能詩尤工書翰奉天揚煥然云然

馬嵬道中

垂柳陰陰水拍堤春晴茅屋燕爭泥海棠正好東風惡
狼藉殘紅送馬蹄

邊轉運元勳

元勳字輔臣豐州人後遷雲中祖貫道遼日狀元輔臣天會十年進士終於河間路轉運使與弟元鼎元恕

望瀛臺春望

晴雲如困柳如癡丹杏開殘碧草齊一派望瀛臺下水

煖風遲日浴鳧鷖

七夕

高樓入散酒樽空漫擬新文送五窮獨倚南窗夜岑寂
一鈎涼月下踈桐

李寧州之翰

字周卿濟南人宣和未擢弟人有勸叅童貫可以徑至
館職者周卿謝絕之國兵破洺州縛見元帥誘之使降
語及君臣之際辭情慷慨自分一死帥怜之遂被錄用
後守寧州陷田侍郎珏黨籍除名徙上京遇赦復官終
於東平侔有漆園集行于世子靈石尉謙孫德元今在
鄉里

書呈仲孚

造物固難量誰能計寒餓失馬乃為福夢牛翻作禍長
溪霜練靜脩嶺蒼龍卧魂夢吾已安不勞歌楚些

題密雲州學壁

崎嶇到此興何堪况復風謠意未諳旅舍蕭條空自遣
肯懷磊落向誰談留連暮雨侵踈牖宛轉飛雲掃翠嵐
因憶林泉歸去好一燈幽夢遶春潭

中京遇因長老

天涯流落偶生還古刹相逢語夜闌歎我歸途千里遠
喜君禪榻一身安松聲不斷風吟細月影無邊露氣寒
分手山堂更窅索冷雲衰草伴征鞍

歲暮

休怪年來白髮新天涯三載困埃塵偶離沙磧窮陰地
收得桑榆老病身對雪莫吟秦嶺句撥醅且醉漢江春
此生自斷無餘事何必區區問大鈞

三興居士

三興居士阜昌中人

題平陰僧寺

三吳家近水晶宮行坐紅香綠影中今日異鄉僧寺裡
盆荷葉戰西風

楊興宗

興宗高陵人宋既渡江故興宗有龍南集子同舍郎閑

中揚君羨嘗見之

出劍門

嘔啞鳴櫓下長川萬壘青峰只眼前山鷓啄殘紅杏粉
杜鵑啼破綠楊煙夢迴蜀棧雲千片醉枕巴江月一船
物色誰分杜陵老風騷牢落劍南天

趙亮功

亮功華州人嘗監富平酒

甘露寺

鄭南峯下寺泉石間跡篁飛雨度山閣閑雲生野塘簷
前松子落厨際柏煙香別後聞鍾磬山陰空夕陽

賈沫

冰字漢南洛陽人

題安生僧寺

天會己酉予嘗與王化原李端中同過是寺屬兵厄甫
羅堂宇頽弊繪僚剝落秋草野蔓雜生塔上盤桓終日
間閱其無聞時風塵未靜竊謂此地當日就丘墟及今
與端中復來則寺有僧問師矣向之所見頽者已完葺
剝者復嚴潔鐘閣巍焉石塔巋焉庭樹鬱焉皆向之所
未有者也因一讀舊題已經五稔自念五年之間所向
齟齬十步九蹶卒陷機穽豈非禍患之來有積漸歟抑
得失行止非人所能為歟嗚呼事去如夢人生如寄窮
達相推雖賢智有不能免焉者顧余何足道哉所不知

者他日過此寺之興廢余之得喪悲歡又何如也續題

一詩貽失路者共為一嘆云癸丑七月八日題

重來已是五年游憂患相仍欲白頭翻羨亭亭兩奇樹

不知風雨過春秋

元日能

日能不知何許人與劉崑老同時

紅梅

天上瓊兒白玉肌吳粧略約更相宜認桃辨杏由君眼

自有溪風山月知巖老同賦云一黠清香透雲雪是日

能為

范埠

壻字元涉系出潁川有詩話行于世

和高子初梅

春風也自惜流光只放寒梅一樹芳
玉粉更粧前夜雪
口脂猶注昔年香
江湖昨夢誰同記
詩酒風流豈易忘
東閣何郎未全老
花枝休笑鬢絲長

王雄州仲通

仲通字達夫長慶人天會六年進士
皇統中陷田穀黨
藉編配五國會赦還世宗即位復官
終于未定軍節度使

送客

措足疑無地
捫心幸有天
故人成解后
殘喘見哀怜
落

日驚魂外孤雲
泪眼邊西歸萬里夢
今夕到君船

韓內翰汝嘉

汝嘉字公度宛平人父昉遼末狀元仕國朝至宰相嘗
作武元聖德神功碑為作者所稱公度皇統二年進士
累遷真定路轉運使坐公事遷清州防禦使召為翰林
侍讀學士卒

寄元真同年

十年塵土鬢毛班
杖履還來踏故山
葉寄殘紅春尚在
雲酣濕翠雨仍慳
不堪倚樹追前事
更恐臨溪見病顏
一日暫來千日去
何時倦鳥得真還

王吏部啓

啓字希昇大興人正隆二年進士累遷戶部員外郎通
州刺史用宰相萬公薦權右司郎中章宗即位不一歲
遷工部侍郎即以河南北路提刑使拜吏部尚書使宋
使還出爲絳陽軍節度使致仕還鄉里與左丞董公叅
政馬公宣徽盧公尚書郭公爲九老會年七十九卒子
師揚字仲雄南渡後隱居崧山時年已六十餘經傳子
史皆手自抄之如健舉子結夏課然希顏說仲雄在太
學同舍號爲閉戶王先生其謹厚蓋家法云孫造字成
叔今居東平

王右轄許送名酒久而不到以詩戲之

燕酒名高四海傳兵厨許送已經年青看竹葉應猶淺
紅比榴花恐更鮮枕上未消司馬渴車前空墮汝陽涎
不知便約開東閣一看長鯨吸百川

晁洗馬會

會字公錫高平人道院文元公之後宣和末中武舉仕
爲太子洗馬天眷二年經義進士爲人美風儀器量宏
博澤人經靖康之亂生徒解散公錫稍誘進之貧不能
就舉者必厚爲津遣在官下則分俸以給之至于李承
旨致美昆仲亦出其門士論歸焉歷雲鄉猗氏臨晉三
縣令以興平軍節度副使致仕年七十八終於家詩號
泫水集雲鄉縣齋云官况薄於重榨酒瓜期近似欲殘
碁王官谷云煙藏芳樹遠雲補斷山齊鄉人至今傳之

孫國章字公憲李承旨外孫教授鄉里樂於提誨諸生
經指授者肅然如在官府進退拱揖皆有可觀蓋其家
法云

杜鵑

杜宇啼聲枕上來一聲哀似一聲哀千哀萬怨無今古
喚得行人若箇迴

王內翰遵古

遵古字元仲父政金吾衛上將軍三子遵仁遵義元仲
其季也元仲四子庭玉字子温內鄉令終於同知遼州
軍州事庭堅字子真有時名庭筠字子端庭揆字子文

過太原贈高天益

天益能作大字

遼海渺千里風塵今二毛心雖如筆正官不稱才高
竟庫非君事山林必我曹相期老鄉國拂石弄雲璈

野菊

子貞

鬪雞臺下秋風裏白白黃黃無數花日暮城南城北道
半隨榛棘上樵車

王汾州璫

璫字君玉太原人天眷二年進士弟珙器王珣汝玉皇
統九年同榜家世業醫有陰德聞里中嘗有金蚕金馬
之瑞君玉仕至汾陽軍節度使鄉人榮之號三桂王氏
行尚書省左右司郎中仲澤其從孫也金馬在部掾清
卿房迄今寶之

游太寧寺

西山踏破萬層青與客携壺上太寧泉石有情容避俗
軒裳無術可逃形雲縈崖角僧禪靜露下松梢鶴夢醒
明日却尋塵境去曉猿啼月若爲聽

王元仲海岳樓同諸公賦

汝玉

十二朱欄倚半空元龍高卧定誰雄簷楹翠濕蓬山雨
枕簟涼生弱水風物色橫陳詩卷裏雲濤飛動酒杯中
謫仙會有騎鯨便入極神游路可通

李特進獻可

獻可字仲和遼東人太師金源郡王石之子太師遼末
狀元仲和世宗元妃之弟大定十年史紹魚榜進士歷

州縣入翰苑累遷戶部員外郎以事貶清水令召爲大
興少尹遷戶部侍郎終於山東東西路提刑使衛紹王
即位以仲和元舅贈特進道國公子道安特旨符寶郎

清水寒食感懷

桃花零亂柳成陰人到春深思更深芳草成樓天不盡
異鄉寒食故鄉心

召還過故關山

過關天日正清明誰道山神不世情遠客得歸心緒別
隴隴閑作斷腸聲

雷溪先生魏道明

道明字元道易縣人父遼天慶中登科仕國朝爲兵部

郎中子上達元真元化元道俱弟進士又皆有詩學元
道最知名仕至安國軍節度使暮年居雷溪自號雷溪
子有鼎新詩話行於世元道春興云燕來燕去烏衣巷
花落花開穀雨天高麗館偏涼亭云傲或碧海半纏螭
角國春風十里鴨頭波中秋云丹桂知經幾寒暑冰壺
別是一山川其所得者也

佛嵒寺

虎谷西垠北口南橫橋過盡見松庵舊遊新夢猶能記
般若真如得徧參霜圍顛蔬充早供石泉煮茗薦餘甘
殘年便擬依僧住過眼空花久已諳

退食

竿頭獵鼻清貧在夢裏槐安舊習空退食歸來澹無事
水邊長嘯看晴虹

學易先生雷思

思字西仲渾源人天德三年進士大定中任大理司直
持法寬平至今稱之仕至同知北京轉運使事有易解
行於世弟志字尚仲亦弟進士仕至永定軍節度使西
仲季子淵最知名

食松子

千嵒玉立盡長松半夜珠璣落雪風休道東游無所得
歲寒梁棟滿曾巾

王大尹脩

脩字脩然范陽人皇統二年進士資稟鯁峭甫入仕即以材幹稱大定中皇子曹王尹大興脩然為少尹王移鎮北門復以同尹從之前後多所規益朝廷稱焉遷咸平轉運使改知瀋州坐為怨家所誣奪官宰相有為辨理者得鄭州防禦使章宗即位召拜禮部尚書以選為大興尹兩月政成發姦擊強剖繁理劇百年以來無有出其右者尋為護前者所排繫獄累月天子知其非罪出之脩然幅巾歸范陽明年起為定國軍節度使致仕卒遺命無請謚無立碑然至今言名臣者必及焉

烏子秀自左司員外郎左遷上京幕官

楚山白玉點蠅頭正坐宵中有九流同部吏郎皆五馬

不知山鬼解揶揄

高工部有鄰

有鄰字德卿遂城人數歲入小學州將為子娶婦驂御盈路同舍兒競觀之德卿讀書自若也大定三年弟進士登州縣為尚書省令史時相議絀詞賦專明經德卿以賦有譎諫之義反復詰難竟得不罷爾後擢弟者廷試時務策亦自德卿發之明昌初累遷安國軍節度使父飛狐令某嘗尉南和以公事活千餘人德卿實生是邑父老有身及當時事者扶杖迎勞歡呼馬前德卿亦為立碑尉廳不踰月子嵩猶子鑄同榜登科時人榮之泰和中使宋還拜工部尚書致仕卒德卿孝友廉介長

於吏事所至興學校敦風化以儒雅自緣飾者舊至今
稱之子崑字士瞻弟進士季子幾字士美正大初監察
御史最知名

馬嵬

事去君王不奈何荒墳三尺馬嵬坡歸來枉爲香囊泣
不道生靈淚更多

宋孟州楫

楫字濟川長子人年十九天德三年擢弟除著作郎母
老丐歸養許之泰和三年以省掾從吏部尚書梁肅使
宋副趙王府長史直臣獵淮上射一虎斃之濟川有詩
記其事語意俊拔泗州守刻石於鎮淮堂濟川官至孟

州防禦使子元吉字祐之明昌二年進士元圭字達之
泰和三年進士皆有名於時曾孫弘道今在武陟

還紫雲寺素扇且題詩其上

吳綾便面小團團失手拈來亦厚顏障盡驛塵三十里
却還明月紫雲間

庭槐

庭槐先人手所植再世清陰方滿臺慚媿兒孫種桃李
花枝準擬當年開

高轉運德裔

德裔字曼卿鶴野人高才博學弱冠擢弟累遷登聞檢
院同知太府少監平陽少尹開州刺史豐王傳卒於西

京路轉運使工於爲文字畫尤有法所題卷軸今猶有
存者嘗以擣軒所書比之氣韻形似無毫髮少異擣軒
自望者甚高何至學曼卿乃暗之合真異事也子元道
駸中侍御史

坐忘女

女環州張氏年十三異夢之後
坐忘已四年矣贈詩者甚多

結習銷來性自圓去留元不問人天消搖自是忘形蝶
枯寂寧同委脫蟬無礙真空常蕩蕩若存餘息尚綿綿
立亡坐脫皆游戲定力何嘗有變遷

路異州仲顯

仲顯字伯達異州人家世寒微其母有賢行教伯達讀
書國初賦學家有類書名節事者新出價數十金大家

兒有得之者輒私藏之母爲伯達買此書擣衣節食累
年而後致成伯達言此書當置學舍中必使同業者皆
得觀少有靳固吾即焚之矣伯達正隆五年進士明昌
初授武安軍節度使鄉人榮之雲朔用兵伯達奉使江
左還獻賜幣以佐軍未報而伯達死章廟詔以所獻還
其家夫人傅氏曰此非吾夫意復上之有司不聽夫人
付之州學買上田二千畝有奇以贍生徒故相馬琪德
玉時判州事聞于朝賜號成德夫人伯達二子鐸字宣
叔鈞字和叔俱有名于時宣叔爲諫官諫章廟元妃李
氏出細微不應上僭有累聖德又其兄弟侍寵納賂將
有揚國忠之禍坐謗訕除名宣叔布衣還鄉里傅夫人

臨終敕宣叔曰汝以憂國愛君故極言直諫天子明聖特覽有所激計他日必復起汝前事須再言勿有所顧藉也墓碑不之載故表出之

楊祕監釋伽出山像

自從此老出山隅惱亂蒼生底事無他日若逢楊處士只教畫箇涅槃圖

張代州大節

大節字信之五臺人天眷中進士與興陵有藩邸之舊愛其真淳甚倚重之歷橫海軍節度使咸平大興尹吏部尚書河東北路兵馬都總管明昌初請老特授鴈門節鉞除其子崑叟忻州刺史以榮其歸信之好獎進士

類滄州徐題太原王澤大興呂造經其指授卒成大名士論以風監歸之崑叟字夢弼亦弟進士歷嵐潞懷三州節度終於集慶軍弁山謂吏事不及乃父而以長厚見稱子待舉臺掾選授奉御正大末從車駕東狩不知所終孫紹祖在東平

同新進士呂子成輩宴集狀元樓

鸚鵡新班宴杏園不妨老鶴也東軒龍津橋上黃金榜三見門生是狀元

趙轉運慤

慤字叔通黃山先生颯之父也宋末汪彥章任鄆州教官通叔為學正嘗預酬唱故其詩文皆有源委國初登

科仕至同知南京路轉運使事

擬古

春風動地來依依燒痕青王孫行不歸離恨何時平
翩誰家兒曉獵開紅旌彫弓插白羽怒馬懸朱纓圍合
意氣雄斲養厭庖烹人生一春草時至何足榮君看五
陵樹日暮悲風生

蜀山曉發

曉發蜀山道山深人自迷殘星數微小斜月一梳低隔
舍縲車響遙林杜宇啼區區事行役何日得安栖

寒齋雪中書呈許守

剪水作花開紛紛天上來聲清偏傍竹艷冷欲欺梅積
潤滋牟麥餘膏丐草萊窮閭休嘆息數日是春回

郭祕監長倩

長倩字曼卿文登人皇統丙寅經義乙科仕至祕書少
監兼禮部郎中修起居注與施朋望王無競劉崑老劉
無黨相友善所撰石峽明傳爲時人所稱有崑翁集傳
于世子天驥

義師院蓂竹

南軒移植自西壇瘦玉亭亭十數竿得法未應輸老栢
植根蕪得近幽蘭雖無穠艷包春色自許貞心老歲寒
百草千花盡零落請君來向此中看

郭錄事用中

用中字仲正平陽人大定七年進士歷浮山簿陝州錄
事卒年三十一有寂照居士集郝子玉毛牧達鄭仲康
爲之引其賦醋魚云身卧不知雲子白氣酣聊作木奴
酸按博物志西羌仲秋日取鯉子不去鱗破腹以赤秫
米飯鹽醋合糝之逾月則熟謂之秋鮓故仲正云然又
賦雪云灞橋柳絮人千里楚澤蘆花水半菲殊有詩人
思致恨不假之以年耳

偶得

叅偏藁林懶出游指端孤月照高秋大千界裏閑窺掌
不二門中暗點頭掃地燒香聊自遣栽花種竹儘風流
在蒙抵死談齊物無物齊時也合休

趙太常之傑

之傑字伯英大定人本名宗傑避諱改大定十六年進
士歷西京提刑副使棣州防禦使終于太常卿使宋還
言事云宋人文敝之極且脆弱不足爲憲邊部爲可慮
也其前識如此子繪名進士早卒孫季卿在燕中

許道寧羣峰暮雪

道士平生林野人醉中拈出雪峯真爲君
寮却煙霞癖
此似青囊藥更神

題濟源龍潭寺

樹圍脩竹竹圍庵庵下泓然碧一潭極目荷花半秋色
小橫圖上看江南

除夜

日月不肯留歲曆倏云畢僧坊見節物新正在明日夜
半拊枕嘆半百又加七形骸念念改膂力能不失經言
男數八此去才有一健者未可期况乃常衰疾物情忌
盈滿君子慎名實行矣安退閑吾其保終吉

趙轉運鼎

鼎字德新樂城人大定十六年進士喜作詩頗知道學
屏山所許如此仕至西京路轉運使元日詩云拜嗟筋
力隨年改飲覺屠酥到手遲惜不多見也子中立字正
卿弟進士文譽甚著

宿來同堡

渭北洮南過却春窮邊冰雪更愁人來同驛東題詩處
破屋青燈一病身

田轉運特秀

特秀字彥實易縣人大定十九年進士仕至太原轉運
使喜作詩爲周德卿李之純所賞感興云散木不材寧
適用虛舟無意任乘流百年身世槐安國千古人情羨
頡頏賦古塔云締構百年人換世消沉千古鳥盤空他
類此彥實所居里名半十行第五以五月五日生小字
五兒二十五歲鄉府省御四試俱中弟五年五十五八
月十五日卒造物之戲人如此賦集五日生者現其

宿萬安寺

長途鞍馬倦黃塵喜見空山萬疊雲漫漫野煙迷去鳥
蕭蕭林葉帶殘曠苔封老檜龍鱗起石磯流泉燕尾分
夜敞松窗耿無寐一庭蘿影月紛紛

趙漕副文昌

文昌字當時陵川人仕至京北轉運副使嘗有詩云蟲
聲連壞壁樹色入秋窓草香花落處山黑雨來時頗為
黃華所稱

歌扇

媚娘巧作貫珠珠映畫扇團團半掩羞唱到春山小頻舉處
一輪明月為花愁

路轉運忱

忱字子誠平郭人大定二十二年進士累遷監察御史
終於河東北路轉運副使

秋懷

落日留虛壁秋風急戍樓高歌鬼神夜揮涕虎狼秋豪
貴少青眼文章多白頭何時挂長劍天地一扁舟

高密州公振

公振字特夫正隆初進士歷南京留幕終於密州刺史
詩有家學賦南園江鄉有翠蓋紅粒無俗韻綠陰青子
更多情之句惜不多見也

裴氏西園

簿領沉迷倦不禁偶從名勝此幽尋竹陰踈處見潭影

人語定時聞鳥音陳跡謾留千古恨歡遊聊慰十年心
多情一片深園月送我垂鞭出上林

張轉運穀

穀字伯英臨潁人大定二十八年進士仕至河東南路
轉運使家多法書名畫古物祕玩周秦以來鏡至百餘
枚他物稱是天性孝友與人交極誠款古所謂博雅君
子者伯英可以當之弟穀字伯玉美風儀善談論氣質
豪爽在之純希顏伯仲間舉進士有聲場屋及再上不
中即拂衣去嘗自言丈夫子娶非尚主官不徒步之宰
相不屑可也宰相李公仲修適之皆與之遊從不敢以
布衣諸生處之家既貴顯厚於奉養擊鮮爲具賓客日

滿門窮晝竟夜卒以樂死嘗賦雪云樵皮雙鳥懶漁蓑
一蜩拳醉後云日日飲燕市人人識張翳西山晚來好
飲酒不下驢賦畫石云腹非經筍口不肉食曾中止有
磊磊落落百千萬之怪石興來茹噎快一吐拚軍便欲
關弓射氣毋忽破碎物怪紛狼藉有時醉狂頭插筆掃
盡人間雪色壁其顛放如此

石淙

天后離宮在崧山曲河即東坡爲韓

子華賦詩處也

潁水洗餘高士耳是非猶恐汚人牛區區武媚何爲者
水上磨崖紀宴游

宗御史端脩

端脩字平叔一字伯正汝州人大定二十二年進士衛
紹王避世宗諱改宗爲姬而天下止以宗平叔目之好
學喜名節操履端勁慕司馬溫公之爲人自爲諸生時
見者必悚然敬之明昌中自省掾拜監察御史車駕東
狩是歲大寒人有凍死者平叔諫止之元妃兄弟李喜
兒輩干預朝政平叔上書以遠小人爲言道陵知其爲
喜兒發詔喜兒就問卿欲朕遠小人小人爲誰其以姓
名對平叔奏小人止李喜兒兄弟耳喜兒以聞李氏兄
弟皆被切責竟以訐直貶官平叔自守愈篤是是非非
議論一出于正大爲朝廷所知降詔褒諭以全州節度
副使卒官平叔妻死不更娶絮居二十年士論高之宋
寧游彥哲調汝州司候將之官問爲政平叔言爲政不
難治心養氣而已彥哲不領明日復來云夏初入官且
臨先生鄉郡請問從政而先生乃以治心養氣爲言思
之不能得願終教之平叔曰子寧不知此耶治心則心
正心正則不私養氣則氣平氣平則不暴不私不暴爲
政之術盡於此矣平叔墓碑及傳閑閑公爲作稱其剛
陵疾惡有鐵面陳了翁之風人不以過云姪孫汝作正
大末保山棚有功入守汝州力盡城復陷兵人欲降之
不屈而死

漫書

冷面宜教冷眼看只慙索米向長安陰崖何限枯松樹

望見屏幃盡牡丹

張戶部翰

翰字林鄉秀容人大定二十八年進士爲人有蘊藉如
素宣然累遷監察御史翰林直學士貞祐初戶部侍郎
車駕南渡出爲河平軍節度使召拜戶部尚書草創之
際經費空竭雖米鹽細物皆倚之而辦予嘗見於戶曹
邠州一書生言時事相與詰難九數十條率不思而對
雖反復計度者亦自不能到信通濟之良材也宣宗旦
暮相之會卒年五十五弟脩字飛卿承安五年進士同
知河東北路兵馬都總管事猶子天彝字仲常黃裳榜
登科子天任字西美近侍局副使死於宋州之變

贈石德固

西湖之月清無塵橋中之樂猶避秦向來所見止此耳
渠亦豈是真知津如君眼孔乃許大萬事付之塵甌隨
兒能詩書又肯播着脚世間看踏破青巾玉帶桃李花
日斜空望紫雲車布衣誰識隱君子一馬賸然何處家

再過回公寺

山州風土極邊頭二十年中復此游青鬢已隨人事改
碧溪猶繞寺門流輕寒剪剪侵馳褐小雪霏霏入蠶樓
爲問勞生幾時了不誠長抱異鄉愁

萬寧宮朝回

宿雨初收變曉涼宮槐恰得幾花黃鵲傳喜語留鞘尾

泉打空山輟鞠場已覺雲林非俗境更從衣袖得天香
太平朝野驩娛在不到蓮塘有底忙

奉使高麗過平州館

昨日龍泉已自竒一峰寒翠壓簷低兼并未似平州館
屋上層巒屋下溪

金郊驛

山館倂然爾許清二更枕簟覺秋生西窓大好吟詩處
聽了松聲又雨聲

李好復

好伯字仲通安喜人明昌二年進士榆次令有能聲入
為警巡使嘗以事縛一護衛道陵有投鼠之喻出為歷

城令終于滑州刺史

邵智夫同游南城

園林晴晝蔚如煙林外支流盡水田落日趁墟人已散
鷺鷥飛上渡頭船

雨中與客飲

門外平橋一水分數聲漁唱隔溪聞暖風落絮飄香雪
小雨沾花濕夢雲釀具未甘名長物詩壇聊欲張吾軍
相逢莫惜通宵飲明日閑身不屬君

楊祕監邦基

邦基字德茂大定中進士仕至祕書監禮部尚書文筆
字畫有前輩風調世獨以其畫比李伯時云

墨梅

粉蝶如知合斷魂啼粧先自怨黃昏花光筆底春風老
寂寞嶺南煙雨痕

呂陳州子羽

子羽字唐卿大興人大定末進士仕至陳州防禦使元
光末爲酷吏所誣以乏軍興繫獄比赦至唐卿自縊死
朝臣有辨其寃者詔復官希顏爲制辭云毀譽之來在
仁賢而不免是非之論至久遠而乃公人謂唐卿於此
語爲無媿屏山故人外傳呂氏自國朝以來父子昆弟
凡中弟者六人以六桂名其堂貞幹字周卿尤自刻苦
酷嗜文書著竭石志數十萬言皆近代以來事迹幽隱

譎怪詼諧嘲評無所不有在史館論正統獨異衆人謂
國家止當承遠大忤章廟旨謫西京運幕量移北京致
仕自號虎谷道人晚年感末疾又號三跛子自作傳以
見志閑閑公亦以爲篤志君子也弟士安字晉卿卿雲
字祥卿子鑑字德昭皆名士唐卿其從子云

廣平道中

風色着鴛面霜華侵老須昏埃埋故驛積雪縞脩途凍
神新詩句寒林古畫圖夜寒孤月上天地一冰壺

宿章義廣勝寺

小邑本無事我來勞簡書路長頻問馬人靜厭烹魚鍾
冷僧叅外燈殘客夢餘此心誰領會松月夜窓虛

至日

歲晏多風雪官閑深屋廬小詩窮則變美酒數斯疏未
草歸田賦空翻引睡書窓明添眼力已覺日光舒

李白醉歸圖

春風醉袖玉山頽落魄長安酒肆迴忙然中官尋不得
沉香亭北牡丹開

趙益部文昌

文昌字公權平陽人明昌二年進士仕至遼東路益使
博學好持論周常山甚愛之子觀字維道從事史院資
謹厚不忤于物閑閑許其字畫進進不已可到古人云

軍中寄親舊

軍中從事鬢絲垂把釣江湖與願違紅葉關河爲客久
黃花時節寄書歸霜天不盡孤雲遠秋意無聊一鴈飛
鄉社故人應念我豈知南望更依依

韓內翰玉

玉字溫甫其先相人五世祖繼寧仕石晉爲行軍司馬
從出帝北遷居折津曾孫知白仕遼爲中書令字爲中
書門下平章事賜田盤山遂爲漁陽人曾祖錫字難老
仕國朝以濟南尹致仕溫甫明昌五年經義詞賦兩科
進士入翰林爲應奉應制一日百篇文不加點又作元
勳傳稱旨道陵嘆曰勳臣何幸得此家作傳耶泰和中
志言開通州路水漕渠航運至都陞兩階授同知陝西

東路轉運使事大安三年都城受圍夏人連陷邠涇陝
西安撫司掇溫甫以鳳翔總管判官爲都統府募軍旬
月得萬人藉秦州場買馬官香及鳳翔買馬七百寶
雞埋沒官鐵他州郡弓弩數千以給軍出屯華亭與夏
人戰敗之獲牛馬千餘時夏兵五萬方圍平涼又戰于
北原夏人疑大軍至是夜解去當路者忌其功驛奏溫
甫與夏寇有謀朝廷疑之使使者授溫甫河平軍節度
副使且覘其軍先是華州李公直以都城隔絕謀舉兵
入援而溫甫恃其軍爲可用亦欲爲勤王之舉乃傳檄
州郡云事推其本禍有所基始自賊臣貪容姦賂繼緣
二帥貪錮威權既止夏臺之師旋致會河之敗又云齊

魏以高壘爲能堅蒲終以穿空爲得計累糧坐費盡膏
血於生民棄甲復來竭資儲于國計要權力而望形勢
連歲月而守妻孥又云命令下至京師奈何眈眈四集
之師懸懸半歲之上人誰無死有臣子之當然事至于
今忍君親之弗顧勿謂百年身後虛名一聽史臣只如
今日目前何類以居人世公直一軍行有日矣將佐違
約國朝人不從者輒以軍法從事京兆統軍便謂公
直據華州及遣都統楊珪襲取之皆置極刑公直曾爲
書約溫甫溫甫不預知其書乃爲安撫所得公直書三
宣撫一與溫甫一與楊珪及使者覘溫甫軍且疑預公
故京兆軍得因書襲華州直之謀即實其罪溫甫赴官道出華州被囚死於郡學

臨終書二詩壁間士論寃之溫甫先賦怪松云昂藏殊
未展偃樓旋自縮惜爾雲外姿耐此慘下辱又云木高
衆必摧地厚敢不踣河中皆泛泛澗底自鬱鬱未幾被
禍人以爲讖云子不疑字居之小字錦卽以父死非罪
誓不祿仕丙申之夏過予冠氏出其父臨命時手書云
此去冥路吾心皎然剛直之氣必不下沉兒可無慮世
亂時艱努力自護幽明雖異寧不見尔予爲之惻然

臨終二詩

客自朝那戊東過古鄭原襄年會凶運竒禍發流言白
骨將爲土青蟬且在樊仰呼天外恨沉思地中寃母喪
半途鬼兒孤千里魂此心終不滅有路訴天閣

天下無雙士軍中有一韓才名兩相累世道一何艱旅
次窮冬暮囚孤永夜寒身亡家亦破巢覆卵寧完矍鑠
鞍仍在驚呼欬屢彈丈夫忠義耳無惜感歌還

王都運擴

擴字充之永平人明昌五年進士累遷同知德州防禦
使事山東飢詔馳驛赴官且以振貸事付之時棣州飢
尤甚而不在發粟之數充之擅開倉救之朝廷不之罪
也泰和七年夏旱充之以監察御史受詔審寃因爲同
列言往時審寃一切以末減爲事至殺人者之罪亦貫
出之地下之寃當誰理之乎使還言初設三司不便大
略言三司之設特以剝剝爲事大定間一曹望之爲戶

部天下倉廩府庫皆實百姓無愁怨之聲存乎其人不在改官稱也今三司官皆戶部舊員掾屬亦戶曹舊吏豈有愚於戶部而智於三司者乞之戶部之舊無駭民聽可也崇慶初遷河東北路按察簽事上書言時病四一將不知兵二兵不可用三事不素定四用人違其長貞祐二年太原受兵充之之功為多最後權陝西西路轉運使行六部尚書前政太原喬世權子實燕人趙伯成子文號為稱職充之表表自見雖處細務亦有法掾屬奔走從事無敢後者評者為子實寬緩欲為不忍欺子文憤密欲為不能欺皆未必能然獨王公之不敢欺為有徵云年六十三致仕卒子元慶字善甫歸德行六

部郎中次子元亨

題神霄宮清心軒

紛紛百慮自心生方寸清來百慮平未了此心私自笑
更憂時世欲澄清

趙吏部伯成

伯成字子文宛平人明昌五年經義詞賦兩科進士博通書傳有真積之力性沉厚言必中理從在太學日人以趙骨鯁目之累遷侍御史拜中丞陝西西路轉運使靜難軍節度使哀宗即位召為吏部尚書坐為飛語所中罷官卒于崧山中潞人宋文之說其臨終甚明了也

蠟梅二首

凍蕾含香蠟點勻古來幽谷有佳人詩家只怨和羹晚
不道紅梅別是春

冷艷踈香寂寞濱欲持何物向時人東風自是清狂手
辨作竹籬茅舍春

元弟以所業見投賦詩為贈

耆舊隔存歿為君重嘆嗟人門得秘紹文賦見張華夙
有凌雲筆方乘犯斗槎忘年即吾友未可論通家

涿錄事仲新

仲新字良輔朝城人明昌五年進士初試山掌承露詩
主司以為擅場用是知名卒于許州錄事

江天暮雪圖

南雪不到地霏霏滿竹樓沙河燈市裏春在木綿裘

盧待制元

元字子達王田人父啓臣字雲叔弟進士仕官亦達自
號溲水先生和趙元發劉師魯葛藤韻云乳兔生長角
塵湯結厚冰木終成假佛疑不礙真僧莫認指為月須
明火是燈拈花微笑處只記老胡曾子達幼而敏惠年
未二十試於長安為策論魁擢弟後又中策魁明昌初
章廟設宏詞科命公卿舉所知子達與郭讖周詢張復
亨就試凡七日並中選遂入翰苑累遷至待制二兄長
庸弟曾名進士又俱擢高第時人以燕山竇氏比之孛
山故人外傳云爾子安字希謝翔字仲升仲升正大末

登科

閑詠

天近蒼龍闕居連白馬堂松聲得隣舍山色出宮牆巷
陋輪蹄少庭閑日月長九衢紅霧裏亦有白雲鄉

太常卿石抹世勣

世勣字晉卿承安中進士終于禮部尚書子高字企隆
庶奉翰林文字父子皆死蔡州之難

紙鷲

鷲鷲誰雌雄假手成形本自同果物戲人人戲物
爲風乘我我乘風扶搖謾擬層霄上高下都歸半紙中
兒輩嗷嗷方佇目豈知天外有冥鴻

苑滑州中

中字極之大興入承安中進士累官京西路司農少卿
滑州刺史好賢樂善有前輩風流貞祐中高琪當國專
以威刑肅物士大夫被摺撫者皆辱與徒隸等醫家以
酒下地龍散投以蠟丸則受杖者失痛覺此方大行於
時極之有戲云嚼蠟誰知味最長一杯卯酒地龍香年
來紙價長安貴不重新詩重藥方時人傳以爲笑極之
嗜讀書一以資于詩詩亦往往可傳壬辰卒于京師年
五十七

贈韶山退堂聰和尚

郎當舞袖少年場線索機關似郭郎今日棚前閑袖手

却從鼓笛看人忙

趙禮部思文

思文字庭玉末平人明昌五年進士貞祐中陷沒都城
閑閑南渡遂為朝廷所知歷魏州刺史汝州防禦使金
安集慶兩軍節度使召拜禮部尚書壬辰卒官為人誠
實樂易自少日有君子長者之目南狩以後趙吏部子
文揚禮部之美趙禮部周臣陳司諫正叔與庭玉皆完
人終始無玷缺者也弟庭珪同榜登科三子敬叔介叔
方叔今居鄉里

試院中呈同官崔伯善李順之

睡起松陰鳥雀譁忽驚霜葉墮簾牙簡書迫促全踈酒

眼力眇昏只費茶不學道人食栢葉却隨舉子踏槐花
提衡文字非吾事崔李風流有故家

俠相浪溪歲寒堂

靜中臺榭隔紅塵水色山光日日新不用公溪種松竹
主人元是歲寒人

捕蝗感草蟲有作

雖是形模不苦爭汝能傷稼我能鳴誰知竟有長平禍
玉石填來共一坑

草蟲悲咽不能言亂逐螟蝗瘞古原水底癡龍正貪睡
瓮中蝎虎更啣冤詩疑園中作

嵩山承天谷又云逍遙谷

煙霞直上逍遙谷路轉山腰咫尺迷已覺洞天分聖境
更疑石蹬是仙梯霜添紅葉黃花好天與金壺玉柱齊
兩峯醉倚西風正南望暮雲煙草一時低

吊同年楊禮部之美

海內文章選人中道德師爭教衰病足不到鳳凰池

李坊州芳

芳字執剛大興人承安二年進士歷乾坊兩州刺史同
知都轉運使事為人敬賢下士款曲周至聞人一善極
口稱道士論以此歸之又精于吏事累以廉能進秩正
大末致仕歿於洛陽之雒

留別

祿食媿踰量智困念歸愚符竹恒為累幸及引年初驅
馬國西門初服返田廬金閨富才彥絕足馭高衢眷我
謝朝蹟冠蓋寵歸途歸途豈不榮碩瞻亦踟躕煌煌丹
山鳳覽德萃清都行人得棲止老鶴青天孤石樓俯清
伊旁有野人居儻逢經過便山水足相娛

劉鄆縣昂

昂字次霄濟南人承安五年進士調鄆縣令劉光甫曾
為同官稱次霄高材博學詩時有佳句云

零口早行

馬上兀殘夢沉沉天向晨行雲如妬月古道不逢人野
曠耕聲遠山高露氣新哦詩無好語聊耳一吟呻

讀國志二首

虎視鯨吞卒未休一時人物盡風流
婦翁正得黃承彦兒子當如孫仲謀
乳臭蒙孫真寄坐虛寒鄰國莫分憂
阿瞞狐媚無多罪誰作桓文得到頭
泣漢遺黎血未乾繁昌新築受終壇
天球寶鼎私臧獲坎井坳堂局鳳鸞
地易主賓窮赤壁勢成螳雀事烏丸
陳言衮衮令人厭枉就輸棋覆舊槃

錦峰王仲元

仲元字清卿平陰人承安中進士以能書名天下歷京兆轉運司幕官于公茂今在雲中

雪中同周臣內翰賦二首

天上端花散不收温温叶氣淡皇州
橫溪月澹梅宜臘平野風閑麥有秋
清興雅高東武會孤吟誰似霸陵游
西山玉立三千丈好句都輸趙倚樓

雪

初稀時拂拂稍密自紛紛老樹曉迷月
瘦峯寒帖雲色從空際得聲向靜中
聞客枕清無夢哦詩徹夜分

贈青柯平隱者

太華神明觀青柯小有天大哉霄壤內
無此弟是賢齊物三千行樓雲二百年
初平初起後又得兩臞仙

廬宜陽洵

洵字仁甫高平人李承旨致美見所作上梁文勉使就

舉六十一歲呂造榜登科歷河南府教授河陽丞宜陽
令致仕後居伊陽年八十三卒仁甫有詩學以鞏原及
赤壁圖詩著名招飲云南園仙杏猩紅破北渚官醪玉
汗醇已約尊前成二老全勝月下作三人

白溝

白沙清淺不容舟遼宋封疆限此溝到了山河無定主
碧波依舊只東流

刁涇州白

白字晉卿信都人呂造榜乙科歷涇州幕官入補省掾
卒作詩極致力樂府尤有風調令散失不復見矣

渭水

渭水秋天白驪山晚照紅行人迷古道老馬識新豐霜
雪滿歸鬢乾坤猶轉蓬愁來成獨酌醉袖障西風

物質

物質方圓定營營止自疲鶴鳥傷斷續鷓鴣失高卑巧
宦多成拙徐行未必遲可憐筆上鴈來往聽人移

送花

縱橫詩酒少年曾老矣追懽謝不能種出好花無用處
東鄰乞與坐禪僧

劉戶部光謙

光謙字達卿濬州人父澤字潤之爲部掾斷獄有陰德
劉之昂與之酬唱其詩有云侯門舊說炎如火陋巷本

猶冷似冰半夜杯槃長袖舞白頭書冊短檠燈用是人
不敢以府史待之達卿泰和三年進士資幹局處事詳
雅為朝廷所知累官司農少卿病瘡許州宣宗勅國醫
診視之卒年五十六好問為舉子時識於登封相得甚
歡尊酒間談笑有味使人不能忘也

寄陳正叔雷希頌

東南形勝古徐州人物休評弟幾流落落陳雷天下士
故應連榻卧黃樓

毛提舉端卿

端卿字飛卿彭城人父矩桓州軍事判官歿王事飛卿
二十歲始知讀書游學齊魯間倍極艱苦飢凍疾病不

以廢業凡十年以經義魁東平泰和三年擢弟累遷提
舉權貨司戶部員外郎性剛明疾惡過甚坐與監察御
史相可否為所中傷降鄭州司候改孟津丞將復用矣
會卒子思適今居東平

題崞縣郝子玉此君軒

桂林名姓一枝新萬竹青青德有鄰渭上風煙分別沁
山陽詩酒屬閑人心期已到冰雪窟眼界不知花柳塵
萱背從今看輝映嫩香新粉四時春

康司農錫

錫字伯祿寧晉人其祖嘗與兄弟分財他田宅無所問
止取南中生口十餘人縱為民而已以故家獨貧父亦

爲里胥性純篤縣令者倚之以納賄及令爲御史所劾
亦自念言直則令被罪終世不齒渠官長而我以事證
之何以立於世乃自縊而死令竟以無迹可尋獲免伯
祿既養於外祖田氏田氏見伯祿骨骼異他兒謂富有
望使之應童子舉飲食卧起躬自調護備極勞苦得解
赴都一日日暮行芟蒿中懼爲同行所遺至背負伯祿
而行及長師栢鄉王翰周輔束脩不能備周輔與諸公
共賙給之黃裳榜擢弟歷櫟陽簿警巡判官辟彭原令
補省掾考滿遷開封府判官拜監察御史言宰相侯摯
師安石非相材提點近侍尙宗室安之聲勢熒熒請託
公行不可使久在禁近朝議偉之選授右司都事京南

路司農丞破上蔡諸縣羣不逞把持之黨以河中治中
充行六部郎中從軍城陷投水死伯祿孝于母友於其
弟有恩義於朋友從政則死心以奉公爲民古所謂公
家之利知無不爲者唯伯祿爲然同年生如雷希顏與
京父朱飛卿之等名士數十人出以比唐日龍虎榜至
論氣質尚以伯祿爲稱首云

按部南陽有贈

魯山佳政霑隣邑白水歡謡見路入縣務清談君自了
農郊夙駕我何勤星河直上冰輪轉桃李前頭玉樹春
海寓疲民望他日草堂那得遽移文

張云部德直

德直字伯直平陽人叔祖邦彥字彥才張楫榜登科以
當川令致仕有松堂集行于世嘗有詩云青山澹澹水
溶溶盡出蒼祇點化工無限燒痕渾綠染可憐喬木待
春風父迪祿字冲英明昌初進士歷岐山上黨二縣令
卒於省掾伯直貞祐三年進士釋褐新平簿辟藍田令
秩滿父老詣行臺留再任去之日爲立生祠移沔池通
許召補省掾選授右警巡使終於同知武勝軍節度使
事子城今君末寧

叔能見過

變嶺千峯闊
沿溪一徑微
山寒花發晚
村迥客來稀
強飲酬佳節
悲歌送夕暉
平生愛歡聚
衰病與心違

馮辰

長字駕之臨潼人貞祐三年進士辟涇陽令九歲知作
詩

雨後時年十三

東風花外錦鳩啼
喚起西山雨一犁
綠滿蔬畦人不到
桔槔閑立夕陽低

王出昌

出昌字慶長寧州人貞祐三年同進士出身以信都丞
致仕

過華州

拔地三峰冷翠微
落山晶飛瀑噴珠璣
吟鞭落托騎驢過

戰刃齧藏牧馬歸十丈玉蓮秋不謝半楞掌月晝還飛
地靈人傑無遺逸未分蟠螭老布衣

方城東寺海棠

苦苣如針草有芒桃花輕薄絮頭狂少陵例有詩沾丐
只枉無言到海棠

李宜陽過庭

過庭字庭訓武亭人貞祐二年進士歷宜陽永寧永陽
三縣令所去見思入為右曹掾斷獄寬平當妖賊李亨
首坐所註誤數百人皆從輕法正大中擢右三部司正
終於昌武軍節度副使少日從太原王正之學故詩文
皆有可觀人初與交者多不能合文之知其為淳質長

厚人也壬寅四月暴卒於東平子華字華甫

讀公孫弘傳

古來好客數平津我道真龍未必真一箇仲舒容不得
不知開閣為何人

田錫

錫字永錫宛平人興定五年進士調新蔡主簿閑居南
陽驥立山下資豪爽自少日有聲場屋間作詩甚多吊
蘇賁一篇有英靈還却眉山秀依舊東風草木天之句
世閔傳之

牧牛圖

干戈擾擾徧中州挽粟車行似水流向日承平如畫裏

短義長笛一川秋

故縣別業

九折驅車夢易驚一廛老計喜初成園蔬不借將軍地
宅券何勞宰相名山入平簷供遠翠水環釣石得深清
漫即教其叟琦玆子誰悟他生與此生

張介

介字介夫彭城人正大元年經義第一人歷鞏穀熟二
縣令幼有賦聲爲人有緼藉嘗贈詩人楊叔能末章云
我貧自救如沃焦君來過我亦何聊爲君欲寫貧士嘆
才思殊減荒村謠楊初以荒村謠得名故云

讀天寶遺事

不但昨非今亦非上皇騎馬泪沾衣曲江死後無忠諫
却憶詞人秋鴈飛

龐漢

漢字茂弘平晉人正大末年進士沉毅有志節待次內
鄉北山兵亂遇害

終南谿

冷雲低壓萬長楊十頃秋陰鎖北堂門外兵塵漲秦楚
水邊煙景似湖湘荷翻山雨僧窻晚竹泛溪風客枕涼
早晚初平遂真隱遠陂閑牧石頭羊

宋景蕭

景蕭字望之濟川族孫正大六年進士辟令秦安未赴

遭亂望之於劉景玄為外兄故其詩頗獲沾丐嘗有荒
山銷盡古今魂之句詩家稱焉

河陰望河朔感寓一首

南來邊報日駸駸思禹亭高泪滿襟野燒為誰留白草
荒城空自隔疎林鴈聲不斷天連水山色無情古又今
離合興亡只如此往年爭識少陵心

春雪用上官明之韻

噫噫春虫開撲窻地爐茶鼎蚓聲長詩中有味清於酒
只欠冰梢數點香

李警院天翼

天翼字輔之固安人貞祐二年進士歷滎陽長社開封

三縣令所在有治聲遷右警巡使汴梁既下僑寓聊城
落薄失次無以為資辟濟南漕司從事方鑿圓柄了不
與世合眾口媒孽竟罹非命輔之材具甚美且有志於
學與人交欵曲周密久而愈厚死之日天下識與不識
皆為流涕予謂天道悠遠良不可知而天理之在人心
者亦自不泯也

還家三首

幽花雜草滿城頭華屋唯殘土一丘鄉社舊人何處在
語音強半是陳州

牡丹樹下影堂前幾醉春風穀雨天二十六年渾一夢
堂空樹老我華顛

殊音異服不相親，獨倚荒城淚滿巾。
祇有青山淡相對，似憐我是此鄉人。

張叅議澄

澄字之純，別字仲經。本出遼東烏惹族，國初遷之隆安。
祖黃縣府君，移官洛水，因家焉。之純早孤，能自樹立，避
地洛西，率資無旬日計，而泰然以閉戶讀書爲業。嘗從
辛敬之、趙宜之講學，故詩文皆有律度。兵後居東平，詩
名藉甚。如云：齊客計窮思蹈海，杞人癡絕謾憂天。懷聖
粘蝸艱國步，荒池漂蟻失軍容。此類甚多。

積雨

積雨生頑痺，新晴意自怡。幽花依小徑，野蔓媚籬籬。

少從梳懶，年衰與杖宜。腐儒慚用拙，糲食復何辭。

和林秋日感懷寄張文御史二首

塞草枯黃秋未殘，北風裘褐日生寒。田園政憶遂初賦，
冰雪莫吟行路難。囊頰露雖徒自苦，前絳有劔抵空彈。
南窓明煖無塵到，慚愧高人老鶻冠。
別家六見月牙新，萬里風霜老病身。塊坐羶廬心悄悄，
遠懷茅屋夢頻頻。瓜田無取終成謗，市虎相傳又是真。
鄉國歸程應歲暮，火爐煨栗話情親。

輓馬圖

飛軒乘城力亦優，不應伏櫪便垂頭。而今世上無良樂，
兀兀黃塵輓得休。

劉神童微

微字伯祥益都人七歲能文道陵召入宮賦鳳凰來儀
二首稱旨賜經童出身係籍太學後登貞祐二年第

春柳應制得城字

翠細圓勻綠線輕着行排立弄新晴更看三月春風裏
散作飛花滿鳳城

郭宣道

宣道字德明邢州人系出衣冠家人物楚楚而有老成
之風貞祐中客南陽名士定興張履坦之罷鄧州觀察
閒居此縣之石橋見德明愛之招致門下飲食教督委
曲周備遂有聲場屋閒正大未沒兵中

送同舍張耀卿補掾中臺

摩雲頭角看昂藏意外升沉豈易量取士皆知有科舉
進身初不在文章関心鴈塔功名晚試手烏臺歲月忙
此去一官先有路獨憐燈火夜窻涼

張仲宣

仲宣字利夫相州人舉進士有聲子柔字子友今在林
慮

下弟

主司頭腦舊冬烘更着書郎骨相窮曉賦得官何足道
直須遮馬困吳融

戲題石鹿蜂猴畫卷

橫槊將軍馬足塵判花學士筆頭春功名果屬丹青手
造物如何戲得人

胡汲

汲字直卿衛州人少有賦聲與新鄭傅伯祥呂鵬舉相
友善見寢陋而滑稽無窮時命不偶竟窮悴而死
休笑參軍靴不鞮休嗟門客食無魚燕鴻來去端誰使
鵬鷖消搖本自如潦倒淵明三徑菊荒唐惠子五車書
古人淡裏求真味身外紛華不羨渠

王脩齡

脩齡字紹先同州人詩有得意好花開早落喚愁芳草
燒還生之句閑閑愛而戲之目為癡仙人

黃葉行送祖唐臣歸拓縣

送君黃葉山黃葉絲不掃上有蕭蕭之風樹下有漫漫
之衰草山中黃葉行復青髀肉一消人自老酒盡意不
盡執手臨古道古道連延走錦襄錦襄日暮浮雲翔一
燈孤館相思處寒鴈一聲秋夜長

中州辛集卷終

中州辛集卷終

程